

Ár 1981, þriðjudaginn 28. apríl, var í málinu nr. 1/1981 kveðinn upp af Yfirfasteignamatnefnd svohljóðandi


ú r s k u r ð u r :

Málavextir eru þeir, að með bréfi dags. 6. janúar 1981 óskaði Gunnar S. Óskarsson eftir því fyrir hönd Kirkju Jesú Krists hinna síðari daga heilögu, að félaginu yrði úrskurðað óskylt að svara fasteignaskatti af húseign félagsins að Skólavörðustíg 46, í Reykjavík. Húseign þessi er eingöngu notuð fyrir starfssemi samtaka þessara, eins og nánar er lýst í bréfi frá 9. apríl s.l.


Samkvæmt þeim upplýsingum, sem fyrir liggja, er ekki um viðurkennt trúfélag að ræða. Að svo vöxnu máli er umrædd fasteign eigi undanþegin fasteignaskatti samkvæmt 1. mgr. 5. gr. laga nr. 73/1980 um tekjustofna sveitarfélaga, sbr. 6 gr. reglugerðar nr. 320/1972 um fasteignaskatt. Þar sem ekki verður heldur séð, að önnur undanþáguákvæði eigi við fasteign þessa brestur að svo stöddu lagaheimild til að verða við umræddu erindi.

Ú R S K U R Ð A R O R Ð :

Að svo stöddu nýtur húseignin nr. 46. við Skólavörðustíg eigi undanþágu frá fasteignaskatti.


Gaukur Jörundsson .


Pétur Stefánsson.


Guðmundur Magnússon.